



千金方衍義

中武
176
18



武
176
卷
18



孫真人千金方衍義卷十三

長洲張 璐路玉著

南沙席世臣郢客校

心臟方 凡八類

心臟脈論第一 論一首

論曰心主神神者五臟專精之本也為帝王監領四方夏王七十二日位在南方離宮火也有生之來謂之精兩精相搏謂之神所以任物謂之心神者心之藏也舌者心之官故心氣通於舌舌和則能審五味矣心在竅為耳夫心者火也腎者水也水火相濟心

氣通於舌舌非竅也其通於竅者寄見於耳左耳丙
右耳丁循環炎宮上出唇口知味榮華於耳外主血
內主五音心重十二兩中有三毛七孔盛精汁三合
神名响响主藏神號五神居隨節應會故云心臟脈
脈舍神在氣爲吞在液爲汗心氣虛則悲不已實則
笑不休心氣虛則夢救火陽物得其時則夢燔灼心
氣盛則夢喜笑及恐畏厥氣客於心則夢邱山煙火
凡心臟象火與小腸合爲腑其經手少陰與太陽爲
表裏其脈洪相於春王於夏夏時萬物洪盛垂枝布
葉皆下垂如曲故名曰鈎心脈洪大而長洪則衛氣
實實則氣無從出大則榮氣萌萌洪相薄可以發汗
故名曰長長洪相得卽引漿水溉灌經絡津液皮膚
太陽洪大皆是母軀幸得戊巳用牢根枝陽氣上出
汗見於頭五內乾枯胞中空虛醫反下之此爲重虛
脈浮有表無裏陽無所使不但危身并中其母
夏脈如鈎夏脈心也南方火也萬物之所以盛長也
故其氣來盛去衰故曰鈎反此者病何如而反其氣
來盛去亦盛此謂太過病在外其來不盛去反盛此
謂不及病在內太過則令人身熱而膚痛爲浸淫不
及則令人煩心上見咳唾下爲氣泄

千金方卷十三
心脈來累累如連珠如循琅玕曰平夏以胃氣爲本
心脈來喘喘連屬其中微曲曰心病心脈來前曲後
居如操帶鉤曰心死

真心脈至堅而搏如循薏苡子累累然色赤黑不澤
毛折乃死

夏胃微鉤曰平鉤多胃少曰心病但鉤無胃曰死胃
而有石曰冬病石甚曰今病

心臟脈脈舍神怵惕思慮則傷神神傷則恐懼自失
破脰脫肉毛悴色天死於冬

手少陰氣絕則脈不通少陰者心脈也心者脈之合
也脈不通則血不流血不流則髮不澤面黑如漆葉
者血先死壬篤癸死水勝火也

心死臟浮之實如豆麻擊手按之益躁疾者死夏心
火王其脈浮大而散一作曰平反得弦細而長者是

肝之乘心母之歸子爲虛邪雖病易治反得大而緩
者是脾之乘心子之乘母爲實邪雖病自愈反得沈
滯而滑者是腎之乘心水之剋火爲賊邪大逆十死
不治反得微澀而短者是肺之乘心金之陵火爲微
邪雖病卽瘥腎乘心必瘥

左手關前寸口陰絕者無心脈也若心下熱痛掌中

熱時時善嘔口中傷爛刺手少陽治陽左手關前寸
口陰實者心實也若心下有水氣憂恚發之刺手心
主治陰

心脈來累累如貫珠滑利再至曰平三至曰離經病
四至脫精五至死六至命盡手少陰脈也

心脈急甚爲瘈瘲微急爲心痛引背食不下緩甚爲
狂笑微緩爲伏梁在心下上下行有時唾血大甚爲
喉介微大爲心痺引背善淚出小甚爲善噦微小爲
消痺滑甚爲善渴微滑爲心疝引臍小腹鳴漉甚爲
瘖微漉爲血溢維厥耳鳴癩疾

心脈搏堅而長當病舌卷不能言其濡而散者當病

瘖渴自己

渴一作環

赤脈之至也喘而堅詮曰有積氣在中時害於食名
心痺得之外疾思慮而心虛故邪從之扁鵲曰心有
病則口生瘡癘爛

心在聲爲笑在變動爲憂在志爲喜喜傷心精氣并
於心則喜心虛則悲悲則憂實則笑笑則喜

時主夏病者時間時甚知其源取其輪觀其應審其
害

病先發於心者心痛一日之肺喘咳三日之肝脇痛

支滿五日之脾閉塞不通身痛體重三日不已死冬
夜半夏日中病在心日中慧夜半甚平旦靜
假令心病北行若食豚魚得之不者當以冬時發得
病以壬癸日方

凡心病之狀胸內痛脇支滿兩脇下痛膺背肩甲間
痛兩臂內痛虛則胸腹大脇下與腰背相引而痛取
其經手少陰太陽舌下血者其變病刺郄中血者
心脈沈之小而緊浮之不喘苦心下聚氣而痛食不
下喜咽唾時手足熱煩滿時忘不樂喜太息得之憂
思

心病其色赤心痛短氣手掌煩熱或啼笑罵詈悲思

愁慮面赤身熱其脈實大兩數此為可治宜服闕宜服者

藥春當刺中衝夏刺勞宮夏季刺大陵皆補之秋刺

間使冬刺曲澤皆瀉之此是手心胞絡經又當灸巨闕五

十壯背第五椎百壯邪在心則病心痛善悲時眩

仆視有餘不足而調其輸愁憂思慮則傷心心傷

則苦驚喜忘善怒

心中風者翕翕發熱不能起心中肌則飲食則嘔

心中寒者其人病如噉蒜齏狀劇者心痛徹背背痛

徹心如蠱注其脈浮者自吐乃愈

心傷其人勞倦頭面赤而下重心中痛徹背自煩發熱當臍跳手其脉弦此爲心臟傷所致也

邪哭使魂魄不安者血氣少也血氣少者屬於心心氣虛者其人卽畏合目欲眠夢遠行而精神離散魂魄妄行陰氣衰者卽爲癩陽氣衰者卽爲狂五臟者魂魄之宅舍精神之所依託也魂魄飛揚者其五臟空虛也卽邪神居之神靈所使鬼而下之脉短而微其臟不足則魂魄不安魂屬於肝魄屬於肺肺主津液卽爲涕泣出肺氣衰者卽泣出肝氣衰者魂則不安肝主善怒其聲呼

心水者其人身體腫

重一作

而少氣不得臥煩而躁其

陰大腫

真心痛手足清至節心痛甚者旦發夕死夕發旦死心腹痛懊懣發作腫聚往來上下行痛有休作心腹中熱善渴涎出者是虻蛟也以手聚而堅持之無令得移以大鍼刺之久持之蟲不動乃出鍼腸中有蟲虻蛟皆不可取以小鍼

心脹者煩心短氣臥不安

凡心脈急名曰心疝小腹當有形其以心爲壯藏小腸爲之使故小腹當有形

診得心積沈而乳時上下無常處病胸滿悸腹中熱
面赤咽乾心煩掌中熱甚則唾血身癢癢主血厥夏
差冬劇色赤也

心之積名曰伏梁起於臍上上至心大如臂久久不
愈病煩心心痛以秋庚辛日得之何也腎病傳心心
當傳肺肺適以秋王王者不受邪心復欲還腎腎不
肯受因留結為積故知伏梁以秋得之

心病煩悶少氣火熱熱上湯心嘔咳吐逆狂強語出
如珠身體厥冷其脈當浮今反沈濡而滑其色當赤
而復黑者此是水之剋火為大逆十死不治

徵音人者主心聲也心聲笑其音竽其志喜其經手

少陰厥逆太陽則榮衛不通陰陽反錯陽氣外擊陰

氣內傷傷則寒寒則虛虛則驚掣心悸定心湯主之

方見第十四卷語聲前寬後急後聲不續前混後濁口喎冒

味好自笑此為厲風入心荆瀝湯主之方見前第八卷心虛

風寒半身不遂骨節離解緩弱不收便利無度口面

喎邪薑附湯主之方見前第八卷此病不盈旬日宜急治之

又笑而呻呻而反憂此為水剋火陰擊陽陰起而陽

伏伏則實實則傷熱熱則狂悶亂冒昧言多謬誤不

可採聽此心已傷若其人口唇正赤可療青黃白黑

不可療也

心病爲瘧者令人心煩甚欲得清水反寒多不甚熱

方見前第十卷若其人本來心性和雅而忽變急反於常白

木酒主之方見前第八卷或言未竟便住以手剔脚爪此人

必死禍雖未及名曰行尸此心病聲之候也虛則補

之實則瀉之不可治者明以察之

赤爲心心合脈赤如雞冠者吉心主舌舌是心之餘

其人火形相比於上徵赤色廣眦兌面小頭好肩背

髀腹小手足行安地疾行搖肩背肉滿有氣輕財少

信多慮見事明了好顧急心不壽暴死耐春夏不耐

秋冬秋冬感而生病主手少陰竅竅然髑髀長短傾

正則心應之正赤色小理者則心小小則邪弗能傷

易傷以憂粗理者則心大大則虛虛則寒寒則憂不

能傷易傷於邪無髑髀者則心高高則實實則熱熱

則滿於肺中悶而善忘難開以言髑髀小短舉者則

心下下則藏外易傷於寒易恐以言髑髀長者則心

堅堅則藏安守固髑髀弱以薄者則心脆脆則善病

消瘰熱中髑髀直下不舉者則心端正端正則和利

難傷髑髀向一方者則心偏傾偏傾則操持不一無

守司也下云若髑髀小短薄弱而下則心下下則虛虛則傷寒病憂恚內損心暴痛而好唾清涎

口臭蟲齒痛侵唇齒若齟齬高起則心高高則實實則熱熱則滿於心悶而善忘恐悸煩燥口痛牙癰舌傷小兒則便祕口重舌鵝凡入部分陷起者必有病

口聲嘶方見頭面方中生小腸太陽爲心之部其處陷起卽病生矣藏舍內外部亦內外沈濁屬內浮清居外若外病內入小腹滿起內病裏出所部陷沒外入內前治陽後補陰內出外前補陰後瀉陽陽則實熱陰則虛寒在陽主外在陰主內凡人死生休咎則藏神前變形於外人心前病則口爲之開張若心前死則枯黑語聲不轉若天中等分墓色應之卽死不治看應增損斟酌賒促賒則不出四百日內促則不賒旬月之間心病少愈

而卒死何以知之曰赤黑色黯點顏卽若見顏度年上此必卒死心絕一日死何以知之兩目回回直視肩息立死凡面赤日白憂悲思慮心氣內索面色反好急求棺槨不過十日死又面黃目赤不死赤如不血血死吉凶之色若在於分部臄臄如見赤黑入口此必死不出其年名曰行尸若年上無應三年之中病必死矣

夏大心脈色赤主手太陽也夏取盛經分腠夏者火始治心氣始長脈瘦氣弱陽氣畱溢熱熏分腠內至於經故取盛經分腠絕膚而病去者邪居淺也所謂

盛經者陽脈也其脈本在外踝之後應在命門之上
三寸命門者在心上一寸也脈根在少澤少澤在手
小指端

其筋起於小指之上結於腕上循臂內廉結肘內兌
骨之後彈之應小指之上入結腋下其支者後走腋
後廉上繞肩甲循頸出足太陽之筋前結於耳後完
骨其支者入耳中直出耳上下結於頰上屬目外眦
其脈起於小指之端循手外側上腕出踝中直上循
臂骨下廉出肘內側兩骨之間上循臑外後廉出肩
解繞肩甲交肩入缺盆向腋絡心循咽下膈抵胃

屬小腸其支者從缺盆循頸上顛至目銳眦却入耳
中其支者別頰上頰抵鼻至目內眦斜絡於顴合手
少陰爲表裏少陰本在兌骨之端應在背後同會於
手太陰

其手太陽之別名曰支正上腕五寸內注少陰其別
者上走肘絡肩髃主心生病病實則小腸熱熱則節
弛弛則陽病腸脈大反逆於寸口再倍病則噎痛頰
腫耳聾目黃臥不能言闕則急坐虛則小腸寒寒則
生虺虺則陰病陰脈反小於寸口過於一倍病則短
氣百節痛筋急頸痛不能轉顧

此盡是手太陽小腸
經筋脈支別爲病今

取心主胞絡少陰心經附於後

手心主之別名曰內關去腕五寸甲乙作二寸出於兩筋

間循經以上繫於心包絡心系氣實則心痛虛則為

煩心取之兩筋間

手心主之脈起於胸中出屬心包下膈歷絡三焦其

支者循胸出脇下腋三寸上抵腋下循臑內行太陰

少陰之間入肘中下臂行兩筋之間入掌中循中指

出其端其支者別掌中循小指次指出其端也動則

病手心熱肘臂攣急腋腫甚則胸脇支滿心中澹澹

大動面赤目黃善笑不休是主脈所生病者煩心心

痛掌中熱為此諸病盛則瀉之虛則補之熱則疾之

寒則留之陷下則灸之不盛不虛以經取之盛者則

寸口大一倍於人迎虛者則寸口反小於人迎

手少陰之別名曰通理在腕後一寸別而上行循經

入咽中系舌本屬目系其實則大膈虛則不能言取

之掌後一寸別走太陽

手少陰之脈起於心中出屬心系下膈絡小腸其支

者從心系上俠咽系目系系目系一作循胸出脇其直者復從

心系却上肺出腋下下循臑內後廉行太陰心主之

後下肘內廉循臂內後廉抵掌後兌骨之端入掌後

內廉循小指之內出其端是動則病隘乾心痛渴而欲飲是為臂厥是主心所生病者目黃脅滿痛臑臂內後廉痛厥掌中熱痛為此諸病盛則瀉之虛則補之盛者則寸口大再倍於人迎虛者則寸口反小於人迎

手少陰之脈獨無輸何也曰少陰者心脈也心者五臟六腑之大主為帝王精神之所舍其藏堅固邪不能容容之則傷心心傷則神去神去則身死矣故諸邪在於心者皆在心之包絡包絡者心主之脈也故少陰無輸也少陰無輸心不病乎曰其外經腑病臟不病故獨取其經於掌後兌骨之端也

夏三月主心小腸赤脈攢病也其源從少陰太陽之氣相搏而停則榮衛不通皮肉痛起太陽動發少陰淫邪之氣因而作則臟腑隨時受夏疫病也其病相若腑虛則為陰邪氣所傷身戰脈掉捉所不禁臟實則為陽毒所侵肉熱口開舌破咽塞聲嘶故曰赤脈攢病

方見傷寒卷中

扁鵲云灸腎肝心三腧主治丹

一作痺

毒病當依源為

治表治陰陽調和臟腑疾不生矣

心虛實第二

脈四首 灸法一首 方十一首

心實熱

左手寸口人迎以前脈陰實者手少陰經也病苦閉大便不利腹滿四肢重身熱名曰心實熱也

石膏湯 治心熱實或欲吐吐而不出煩悶喘急

頭痛方

石膏 一斤

淡竹葉

香豉

各一升

小麥

地骨皮

茯苓

三兩

梔子仁

三七枚

右七味咬咀先以水一斗五升煮小麥竹葉取八升澄清次下諸藥煮取二升去滓分三服

外臺名瀉肺湯

衍義

靈樞云手少陰之脈獨無腧少陰心脈也心者五

臟六腑之大主也精神之所舍也其臟堅固邪弗

能容也容之則傷心心傷則神去神去則死矣故

諸邪之在於心者皆在於心之包絡包絡受邪則

欲吐不吐煩悶喘急故宜石膏清熱降火為主人

但知石膏解利陽明熱邪不知本經原有中風寒

熱心下逆氣諸治中藏梔子豉湯主心下懊懣為

清膈熱之專藥竹葉解煩清心合地骨皮主五內

邪氣熱中消渴以本經與枸杞同列不分不知實

為地骨皮主治也小麥雖為肝穀能助少火而通

心包與瀉心湯中用人參助長諸藥同意彼主乾嘔故用半夏此治心熱故用石膏淡竹同治心熱而所主各有攸宜也

半夏瀉心湯 治老小下利水穀不消腸中雷鳴心下痞滿乾嘔不安方

人參

黃芩

甘艸 各一兩

乾薑 一兩

黃連 一兩

半夏 半升 洗

大棗 十二枚

右七味咬咀以水八升煮取二升半分三服并治霍亂若寒加附子一枚渴加栝蒌根二兩嘔加橘

皮一兩痛加當歸一兩客熱以生薑代乾薑

大黃黃連瀉心湯 治心氣不足吐血衄血方

大黃 二兩

黃連

黃芩 各一兩

衍義

右三味咬咀以水三升煮取一升頓服亦治霍亂

半夏瀉心湯在傷寒治心下滿而不痛在金匱治

嘔而腸鳴心下痞千金借以治下利腸鳴心下痞滿乾嘔似與心臟無關然痞滿雖屬太陽其瑕正

在心下駸駸上犯心包不得以芩連祛熱半夏滌痰乾薑導火人參甘棗輔正祛邪為務也 大

黃黃連瀉心湯在傷寒治心下痞按之濡關上脈

浮之證在金匱治心氣不足吐血衄血與千金主
治相同總取芩連以清三焦之火大黃以蕩六腑
之滯乃救心包蘊熱之專藥餘說見十卷傷寒門
甘艸瀉心湯下

心小腸俱實

左手寸口人迎以前脈陰陽俱實者手少陰與巨陽
經俱實也病苦頭痛身熱大便難心腹煩滿不得臥
以胃氣不轉水穀實也名曰心小腸俱實

竹瀝湯 治心實熱驚夢喜笑恐懼不安方

淡竹瀝 生地黃汁各二兩 石膏八兩

芍藥

白朮

人參

梔子仁各三兩

赤石脂

紫苑

知母

扶神各二兩

右十一味咬咀以水九升煮十味至二升七合去
滓下竹瀝更煎取三升若須利入芑硝二兩去芍
藥分三服

衍義

胃為五臟之本心為五臟之主胃氣不得轉運外
則身熱內則便難包絡之火散漫無以主持神識
故用參朮扶神實其中土則火不致於乘虛內擾
地黃芍藥石膏知母竹瀝梔子仁得以建清心降

火之功紫苑開結氣於上石脂固藥力於下也
茯神散 治心實熱口乾煩渴眠臥不安方

茯神 麥門冬 各三十 通艸

升麻 各三 紫苑 桂心 各十

知母 一兩 赤石脂 四十 大棗 二十

淡竹茹 雞子大 一塊

右十味治下篩為粗散以綿裹方寸七井花水二升半煮取七合時動裏子為一服日再

^{衍義}前竹瀝湯治胃氣不能轉運故用人參白朮杜心包煖於內此以肺燥不能勝熱故用麥門冬桂心

蒸發津氣於上又以升麻通艸上升下泄輔佐清熱導火之力紫苑赤石脂知母茯神與前竹瀝湯不殊也

安心散 治心熱滿煩悶驚恐方

白芍藥 遠志 宿薑 各二

茯苓 赤石脂 麥門冬

知母 紫苑 石膏 各四

人參 桂心 麻黃

黃芩 各三 萎蕤 三十 甘艸 十二

右十五味治下篩為粗散先以水五升淡竹葉一

升煮取三升去滓煮散一方寸七分以絹裏時動之煎取八合為一服日再

衍義

此兼竹瀝湯茯神散二方之製方中麻黃遠志萎蕤即茯苓散中升麻桂心麥門冬之義人參甘艸黃芩即竹瀝湯中人參白朮梔子之義三方合究其微則滋中寓清清中寓散散中寓清之法了然心目矣

治不能食胸中滿膈上逆氣悶熱方

灸心膈二七壯小兒減

心虛寒

左手寸口人迎以前脈陰虛者手少陰經也病苦悸恐不樂心腹痛難以言心如寒恍惚名曰心虛寒也

茯苓補心湯 治心氣不足善悲愁恚怒衄血面

黃煩悶五心熱或獨語不覺咽喉痛舌本強冷

涎出一作汗出善忘恐健不定婦人崩中面色赤方

茯苓四兩 桂心各二兩

紫石英各一兩 人參各一兩 麥門冬三兩

大棗二十枚 赤小豆二十枚

右八味咬咀以水七升煮取二升分三服

衍義人參茯苓補手少陰氣分石英桂心補手少陰血

分甘艸大棗乃參苓之匡佐麥門冬赤小豆乃英
桂之報使并開泄心包旺氣以療喉舌諸疾石英
兼行足厥陰而主婦人崩中以其能溫經散結也
半夏補心湯 治心虛寒心中脹滿悲憂或夢山

邱平澤者方

半夏 六兩

宿薑 五兩

茯苓

桂心

枳實

橘皮 各三兩

白朮 四兩

防風

遠志 各二兩

右九味咬咀以水一斗煮取三升分三服

衍義 茯苓補心湯兼調肝氣半夏補心湯兼調脾氣方

中桂心宿薑溫補心脾枳朮橘半溫理胃氣茯苓
佐桂心下導虛陽防風佐白朮上散濁濕遠志一
味通心氣之專藥

牛髓丸 通治百病虛瘠羸乏等方

牛髓

羊髓

棗膏

白蜜

酥 各一升

麥門冬

芎藭

桂心

當歸

茯苓 一作茯神

甘艸

羌活 各三十銖

乾地黃

乾薑 各三十銖

人參

五味子

防風 各一兩

白朮 各四十銖

細辛十八銖

右十九味切搗十四味篩別研棗膏和散次內諸髓蜜和攪令相得內銅鉢中於釜沸湯中煎取堪作丸如梧子大酒服三十九丸稍加至四十九日再衍義牛髓丸治百病虛羸兼調五臟以心為君主諸臟之氣靡不稟之於君方用桂心茯苓以補心芎藭當歸以調肝乾薑白朮以溫脾人參門冬以益肺地黃五味以滋腎甘艸棗膏以和胃二髓蜜酥以充髓羌防細辛以司督脈而禦外邪不但兼調五臟并以交濟陰陽則四維奠安而九重寧謐矣

心小腸俱虛

左手寸口人迎以前脈陰陽俱虛者手少陰與巨陽經俱病也病苦洞泄苦寒少氣四肢厥腸澼名曰心小腸俱虛

大補心湯 治虛損不足心氣弱悸或時妄語四肢損變氣力顏色不榮方

黃芩

附子

甘艸

茯苓

麥門冬

乾地黃

桂心

阿膠

半夏

遠志

石膏

生薑

粘糖 一斤

大棗 二十枚

右十四味取十三味咬咀以水一斗五升煮取五升湯成下糖分四服

衍義

方下所主虛損不足心氣弱悸而方所用反屬足少陰巨陽之藥其義云何夫君主之令良由相火所司故專取桂附收攝虛陽則麥門冬阿膠茯苓地黃之屬得以上充靈臺其他半夏甘艸薑棗粘糖實其土臟黃芩石膏清肅心包遠志交通心腎若腎志不虧遠志似可不用水臟無泄附子儘可勿施語言無妄心包原無火擾石膏亦宜裁酌四

肢安和脾陽猶能自強薑棗粘糖量減未為不可師古人方須要得古人意活法在心奚必固守成則哉

補心丸 治臟虛善恐怖如魘狀及婦人產後餘

疾月經不調方

當歸

防風

芎藭

附子

芍藥

甘艸

蜀椒

乾薑

細辛

桂心

半夏

厚朴

大黃

猪苓

各一兩

茯苓

一作茯神

遠志 各二兩

右十六味為末蜜丸如梧子大酒服五丸日三不知加至十九冷加熱藥

衍義

恐怖雖屬心腎之虛然如魘狀乃虛陽鼓激痰涎湧塞心包而成正虛邪實之象虛能受熱故用薑附實能受寒故用大黃獨倍用遠志引領諸藥歸就心包以建補虛逐實之功諸臟安和則君主泰然又何必專用補心之藥乎

心勞第三 論一首 方一首

論曰心勞病者補脾氣以益之脾王則感於心矣人

逆夏氣則手太陽不長而心氣內洞順之則生逆之則死順之則治逆之則亂反順為逆是謂關格病則生矣

大黃洩熱湯 治心勞熱口為生瘡大便苦難閉 澀不通心滿痛小腸熱方

大黃 澤瀉 黃芩

芫硝 梔子仁 各三兩 桂心

通艸 石膏 各二兩 甘艸 一兩

大棗 二十枚

右十味咬咀用水九升先以水一升別浸大黃一

宿餘八升煮諸藥取二升五合去滓下大黃煮兩沸去滓下芫硝令烱分三服

衍義心勞則火氣內燔勞之太過則心氣內洞固宜補脾以益之土實則火不妄發君主自寧若火氣方熾又須泄熱為務硝黃石膏羣行泄熱惟取桂心為從治之導耳

脈極第四 論一首 方一首 灸法二首

論曰凡脈極者主心也心應脈脈與心合心有病從脈起又曰以夏遇病為脈痺脈痺不已復感於邪內舍於心則飲食不為肌膚咳脫血色白不澤其脈空

虛口脣見赤色凡脈氣衰血焦髮墮以夏丙丁日得之於傷風損脈為心風心風之狀多汗惡風若脈氣實則熱熱則傷心使人好怒口為色赤甚則語言不快血脫色乾燥不澤飲食不為肌膚若脈氣虛則寒寒則咳咳則心痛喉中介介如哽甚則咽腫喉痺故曰心風虛實候也

生地黃煎 治脈熱極則血氣脫色白乾燥不澤飲食不為肌膚消熱止極強胃氣方

生地黃汁 生麥門冬 赤蜜 各一升

葶心 一作鼓 遠志 各二升 人參

白朮

茯苓

芍藥

乾地黄 各三兩

甘艸 二兩

石膏 六兩

生萎蕤 四兩

右十三味十一味咬咀以水一斗二升煮取二升七合去滓下地黄汁及蜜更煎取三升半分四服衍義血枯氣脫脈極而咳故用二地芍藥以滋血參苓朮甘以益氣門冬萎蕤以潤肺蓴心石膏以清胃遠志赤蜜以通心而行諸味膩滯之性也

灸法

胸中痛引腰背心下嘔逆面無滋潤灸上門隨年壯

穴在俠巨關兩邊相去各半寸一寸云

顏色焦枯勞氣失精肩臂痛不得上頭灸肩髃百壯

穴在肩外頭近後以手按之有解宛宛中

脈虛實第五

論一首 方三首 鍼灸法二首

論曰凡脈虛者好驚跳不定脈實者洪滿凡脈虛實之應主於心小腸若其腑臟有病從熱生則應臟寒則應腑也

防風圓 補虛調中治脈虛驚跳不定乍來乍去

主小腸腑寒方

防風

桂心

通艸

茯神

遠志

麥門冬

甘艸

人參

白石英

各三兩

右九味為末白蜜和丸如梧子大酒服三十九日
再加至四十九

衍義

脈虛而用桂心石英遠志當矣反用防風為主兼
木通同入手足太陽引領人參茯神等味歸就心
與小腸千金奧旨於此稍露一斑特為拈出以開
學人心目

升麻湯

治脈實洪滿主心熱病方

升麻

子芩

澤瀉

梔子仁

淡竹葉

芫硝

各三兩

生地黄

切一升

右七味豉咀以水九升煮取三升去滓下芫硝分
三服

衍義

脈實洪滿心與包絡邪實之應心主血故用生地
黃黃芩涼血為主然火逆上僭非芫硝梔子竹葉
澤瀉并通二陰不能旋折其威又需升麻開發於
上分解蘊隆之勢也

麻黃湯

調心洩熱治心脈厥大寸口小腸熱齒

齧隘痛方

麻黃

生薑各四兩

細辛

茯苓

芍藥

各三兩

白朮二兩

桂心一兩

生地黄切一升

右九味咬咀以水九升煮取三升去滓分三服須利加芒硝三兩

衍義

心脈厥大言左寸沉伏而按之益大應指厥厥動搖故宜生地黄黃芩清利伏熱卽以麻桂薑辛辛溫散結茯苓白朮填其空以杜火氣之復入芍藥為地黃之佐使勢甚則加芒硝與前升麻湯法不殊

鍼灸法

脈不出鍼不容穴在幽門兩傍各一寸五分是

心悶痛上氣牽引小腸灸巨闕二七壯

心腹痛第六

論一首

二十六首

鍼灸法二十五首

論曰寒氣卒客於五臟六腑則發卒心痛胸痺感於寒微者為咳甚者為痛為泄厥心痛與背相引善瘦如物從後觸其心身偃僂者腎心痛也厥心痛腹脹滿心痛甚者胃心痛也厥心痛如以鍼錐刺其心心痛甚者脾心痛也厥心痛色蒼蒼如死灰狀終日不得太息者肝心痛也厥心痛臥若從心間痛動作痛

益甚色不變者肺心痛也真心痛手足清至節心痛甚旦發夕死夕發旦死虻心痛心腹中痛發作腫聚往來上下行痛有休止腹中熱善涎出是虻咬也以手按而堅持之勿令得移以大鍼刺之復久持之蟲不動乃出鍼心下不可刺中有成聚不可取於脬腸中有蟲虻咬皆不可取以小鍼

治寒氣卒客於五臟六腑中則發心痛方

大黃

芍藥

柴胡各四兩

升麻

黃芩

桔梗

硃砂各三兩

鬼臼

鬼箭羽

桂心

朴硝各二兩

右十一味咬咀以水九升煮取二升七合分三服先分硃砂作三分每服內一分攪勻服之得快利如痛不止宜服後方

赤芍六兩

桔梗

杏仁各五兩

右三味咬咀以水六升煮取三升分三服

衍義

邪有寒熱之辨痛有臟腑之分而此統言寒熱臟腑者以寒邪伏久而蘊熱熱毒煥發於臟腑故用升柴開發於上硝黃蕩滌於下桂芍破寒熱而固結衛茅散賊風惡血鬼臼辟惡氣不祥丹砂攝浮

遊諸邪黃芩清肌表之熱桔梗利膈上諸氣氣血和而臟腑安痛當自止設得快利而痛猶未除者此固結雖通而氣血未調也但須赤芍杏仁桔梗調血和營清膈利氣氣血平而痛自愈不得復行攻擊也

九痛丸 治九種心痛并療冷衝上氣落馬墮車

血疾等方 一蟲心痛二疰心痛三風心痛四悸八熱心痛九來去心痛此之謂九痛

附子

乾薑

各二兩

吳茱萸

人參

巴豆

各一兩

生狼毒

四兩

右六味為末蜜和丸如梧子大空腹酒服三丸卒

中惡腹脹痛口不能言者服五丸日一服連年積

冷流注心胸者亦服之好好將息神驗 金匱方用附子三兩

乾薑狼牙各一兩

衍義

金匱九痛丸本隸胸痺門後治九種心痛原方用

附子三兩乾薑一兩意在辟除腎氣凌心也千金

改用薑附各二兩意在兼理胃中陳積也又原方

用生狼牙一兩千金以其難覓改用狼毒四兩以

狼毒性緩不若狼牙之力銳且千金首言蟲心痛

故專殺蟲為務濟以巴豆吳茱萸之迅烈助以人

參之振胃驅邪而方仍列心臟門者以諸痛靡不本於血病血則心之所主也喻嘉言曰九種心疼乃客邪之劇証即腎氣凌心脚氣衝心之別名也痛久血淤陰邪搏結溫散藥中加生狼牙巴豆吳茱萸驅之從陰竅而出以其邪據胸中結成堅壘非搗其巢邪終不出耳

治九種心痛方

取當太歲上新生槐枝一握去兩頭咬咀以水三升煮取一升頓服

衍義槐本虛宿之精益腎清心凡心痛屬血熱者宜之

桂心三物湯 治心中痞諸逆懸痛方

桂心

生薑

各二兩

膠飴

半斤

右三味取二味咬咀以水六升煮取三升去滓內飴分三服

仲景用枳實五枚不用膠飴肘後用枳實五枚白朮二兩為五味

衍義桂心通心氣散血結生薑去穢氣通神明膠飴和

脾氣緩急痛凡心痛之屬虛冷者宜之

崔氏烏頭丸 治心痛徹背背痛徹心方

烏頭

六銖

附子

蜀椒

各半兩

乾薑

赤石脂

各半兩

右五味為末蜜丸如梧子大先食服三九日三不

知少增之

范注不用附子服如梧子二丸崔氏用桂心半兩為六味

衍義胸中陽氣不布陰邪襲據所以心痛徹背背痛徹心故金匱取崔氏烏頭赤丸更其名曰赤石脂丸以烏附椒薑之辛烈破陰復陽石脂之重瀦填塞陰邪往來之路也

治心痛方

桃白皮煮汁空腹以意服之

崔氏用療
疰心痛

治暴心痛或如中惡口中涎出不可禁止回回欲

吐方

苦參十斤

右一味咬咀以水一石煮取二斗去滓下苦酒二斗更煮取五升加大黃末熬和煮汁中煎令可丸并手丸之如梧子大每服以酒一升浸三四十九日一當倒腹吐不吐下利更酒浸苦參二斤浸久彌佳非止暴痛如骭骨斷等痛凡是腹中之疾悉主之又治宿冷血結陰癖頻用有效大良

治卒中惡心痛方

苦參

三兩

右一味咬咀以好酢一升半煮取八合強者頓服老小分二服

又方

桂心 一兩

右一味咬咀以水四升煮取一升半分三服

治蟲心痛方

鶴蝨為末蜜丸如梧子大服四十九蜜湯下日一服可加至五十九慎酒肉

又方

鶴蝨一兩為末温酢一盞和空腹服之蟲當吐

出

又方

服漆一合方見後養生服餌篇中凡蟲心痛皆用漆主之

衍義

桃白皮活血通膈膜滯血 苦參汁入苦酒下大

黃末治腹中熱血云宿冷血結陰癖者始由冷積

終變鬱熱也 卒中惡心痛輕者只用苦參苦酒

煮服以湧泄之 桂心治痼冷結血 鶴蝨治蟲

疰心痛取蜜丸誘入蟲口也 鶴蝨温酒和服者

取其上涌也 漆能殺蟲然須煨灰用之

五辛湯 治心腹疼痛方

細辛

蜀椒

桂心

乾薑

吳茱萸

芍藥

防風

苦參

甘艸

當歸

乾地黄 各二兩

梔子

烏梅

大棗 各十枚

右十四味咬咀以水九升煮取三升分四服

衍義

細辛椒薑黃桂以散心腹結痛苦參梔子兼歸芍地黄以和營血蘊熱甘艸大棗以和五辛二苦之性并和胃氣行藥力也其妙用尤在防風開發衛氣以通蘊結於外烏梅宣播胃氣以收津液於內也

犀角丸

治心腹久痛積年不定不過一時間還

發甚則數日不能食又便出乾血窮天下方不能瘥甄立言處此方數日即愈

犀角

麝香

雄黃

桔梗

莽艸

鬼臼

桂心

芫花 各半兩

甘遂 一兩半

附子

光明砂 各六銖

貝齒 五枚

巴豆

二十枚

赤足蜈蚣 二枚

右十四味為末蜜丸如梧子飲服一九日二漸加至三九以微利為度 古今集驗無雄黃

衍義

心腹久痛積年不定而至便血不食此必毒邪伏匿於幽隱之處故立言專以犀麝雄黃等味辟除惡毒為主明砂鎮心安神貝齒磨堅破血桂附鼓激諸藥之性也

高良薑湯 治心腹絞痛如刺兩脇支滿煩悶不

可忍方

高良薑 五兩

厚朴 二兩

當歸

桂心 各三兩

右四味咬咀以水八升煮取一升八合分二服日二若一服痛止便停不須更服强者作二服弱者

分三服

衍義

心腹絞痛而見脇滿如刺明係木邪凌土之實證故用良薑厚朴溫散滯氣當歸桂心溫散結血兼行心肝肺三經以破寒積也

當歸湯 治心腹絞痛諸虛冷氣滿痛方

當歸

厚朴

半夏 各二兩

桂心

甘艸

黃芪

人參 各三兩

乾薑 四兩

蜀椒 一兩

右十味咬咀以水一斗煮取三升二合分四服羸

弱人分六服小品云大冷加附子一枚良

衍義

高良薑湯專主寒結暴痛當歸湯專主虛滿久痛故於前方裁去良薑之壯火易入乾薑以溫中兼芍藥佐當歸半夏佐厚朴蜀椒佐桂心以除旺氣參芪甘艸保元氣也

又方 治虛冷腹痛不下飲食食復不消膨脹者

方

當歸

茯苓各五分

黃芪

紫苑各四分

高良薑

乾薑各六分

鹿茸

桂心

肉蓯蓉

昆布

橘皮各三分

甘艸二兩

烏頭一兩

大棗四十枚

桃仁一百枚

地骨皮

法麴

大麥蘖各一升

右十八味咬咀以水一斗五升煮取四升二合分為五服下利加赤石脂龍骨各三分渴加麥門冬一升

衍義

方中良薑乾薑合上二方之義麴蘖橘皮昆布卽上方厚朴半夏之義鹿茸蓯蓉卽上方人參保元之義桃仁卽上方芍藥佐當歸之義烏頭卽上方蜀椒佐桂心之義其他茯苓紫苑大棗地骨皮專

解二薑之辛燥也

又方 治寒冷腹中痛方 小品云吳茱萸湯

當歸 二兩 桂心 甘艸

人參 各一兩 生薑 五兩 半夏

小麥 各一升 吳茱萸 二升

右八味咬咀以水一斗五升煮取三升分三服日

三亦治產後虛冷

衍義

千金以南陽陽明例中吳茱萸湯去大棗之戀膈易甘艸以緩痛當歸桂心助吳茱萸以溫血小麥助人參以益氣半夏助生薑以滌痰痰清氣溫而

痛自除乃南陽法中之變故小品仍以吳茱萸湯名之

又方 治冷氣脇下往來衝胸膈痛引脇背悶者

方

當歸 桂心 人參

甘艸 吳茱萸 芍藥

大黃 各二兩 茯苓 枳實 各一兩

乾薑 三兩

右十味咬咀以水八升煮取二升半分三服日三

並治尸疰亦佳 外臺仲景方無茯苓枳實

衍義前方意在祛痰故用半夏佐生薑以散結此方意在蕩實故用乾薑佐茱萸以泄滿茯苓佐人參以助氣芍藥佐桂心以和血枳實佐大黃以導滯當歸和血甘艸和中心腹諸痛之所必需以其人本虛邪實非人參薑桂不能助枳實大黃開結導滯之力也

又方 治久寒疾胸腹中痛時下利方

當歸 三兩 附子 一兩 乾薑 四兩

甘艸 各二兩 柑皮 各二兩

右五味咬咀以水八升煮取二升分三服日三

衍義胸腹久痛而至時下利陰邪浸淫已極非通脈四逆無以恢復元陽兼當歸之辛溫以和營血柑皮之辛涼以清旺氣柑取粵東高涼化州者為勝附以蜀川成都者為優

又方 治久寒宿疾胸腹中痛短氣時滯下利方

當歸 桂心 各三兩 乾薑 四兩

附子 一兩

右四味咬咀以水八升煮取二升分三服日三

注無附子有甘艸二兩云虛冷激痛甚者加黃芪芍藥各二兩

衍義此以前方除去甘艸之甘緩柑皮之辛散特進桂

心配當歸薑附以峻溫營血也

溫中當歸湯 治心腹中痛發作腫聚往來上下

痛有休止多熱喜涎出是虺蟲咬也服二三劑後若不效有異宜改方增損之

當歸

人參

乾薑

茯苓

厚朴

木香

桂心

桔梗

芍藥

甘艸

各二兩

右十味咬咀以水八升煮取三升分溫五服日三不耐木香者以犀角一兩代之

衍義

方下所主渾是蟲積患痛而所用諸藥咸係溫中之品惟桂心入心助火亦能散火厚朴木香得參苓桂薑迅掃堅積倘素稟津枯不勝燥烈者則以犀角代木香二味冰炭殊途而散結之力則一羊肉當歸湯 治腹冷絞痛方

羊肉

半斤

當歸

四兩

乾薑

橘皮

黃芪

芍藥

芎藭

桂心

獨活

防風

各三兩

吳茱萸

人參

甘艸

乾地黄

茯苓

各一分

生薑 六分

大棗 三十枚

右十七味咬咀以水一斗半先煮羊肉取一斗出肉內諸藥煮取三升分三服日三覆取溫煖

衍義

金匱當歸生薑羊肉湯專主產後腹中疝痛及寒疝腹脇急痛千金本之以治腹中絞痛蓋絞痛與疝痛雖有衝擊結滯之不同而和營散結之治則一如木方合小建中黃芪建中以治虛勞裏急諸不足合理中八珍以治氣血虛寒諸不足合吳茱萸湯三物大建中以治胃虛嘔逆諸不足建中方中除去膠飴之粘滯理中八珍方中除去白朮之

壅閉大建中方中除去蜀椒之耗氣更加獨活防風佐黃芪以禦外內合邪橘皮佐薑桂以滌涎飲下滯氣也

溫脾湯 治腹痛臍下絞結連臍不止方

甘艸

附子

人參

芫硝

各一兩

當歸

乾薑

各三兩

大黃

五兩

右七味咬咀以水七升煮取三升分服日三

衍義

臍下腹中明係少陰部分故其治不離通脈四逆湯為主然結痛不止又須附子瀉心湯以芩連易

千金方行義卷十三
三
芑硝而峻攻之加當歸人參以助血氣辟陰邪陰邪散則陽和布土膏煖則君澤施瀉心非在芩連溫脾專賴硝黃能達斯義則千金以是方歸之心臟有著落矣

生薑湯 治胸腹中卒痛方

生薑

一斤取汁

食蜜

八兩

醍醐

四兩

右三味微火上耗令相得適寒溫服三合日三

衍義胸腹中卒痛審無宿滯固結但需生薑以散虛火之逆酥蜜以滋津血之燥不煩猛劑峻攻也

熨蒸法 凡心腹冷痛者

熬鹽一斗熨或熬蠶沙燒磚石蒸熨取其裏溫煖止蒸土亦大佳

衍義鍼能順下熬之以導火氣蠶沙以逐內犯之風濕鍼灸法

凡邪在心則病心痛善悲時眩仆視有餘不足而調其膺

腎心痛先取京骨崑崙發鍼不已取然谷

胃心痛取大都太白 脾心痛取然谷太谿 肝心

痛取行間太衝 肺心痛取魚際大淵 心痛引腰

脊欲嘔刺足少陰

心痛引背不得息刺足少陰不已取手少陰

心痛腹脹漉漉然大便不利取足太陰

心痛小腹滿上下無常處溲便難刺足厥陰

心痛短氣不足以息刺手太陰

心痛不可按煩心巨闕主之

心痛有三蟲多涎不得反側上腕主之

心痛身寒難以俛仰心疝衝胃死不知人中腕主之

心痛如鍼錐刺然谷及太谿主之

心腹中卒痛石門主之

心疝暴痛取足太陰

心懊懷微痛煩逆灸心膻百壯

心痛如錐刀刺氣結灸膈膻七壯

心痛冷氣上灸龍領百壯在鳩尾頭上行一寸半不

可刺之

心痛惡氣上脇急痛灸通谷五十壯在乳下二寸

心痛暴絞急絕欲死灸神府百壯在鳩尾正心有忌

心痛堅煩氣結灸太倉百壯

心痛暴惡風灸巨闕百壯

心痛灸臂腕橫文三七壯又灸兩虎口白肉際七壯

胸痺第七

論二首 灸法五首 方十二首

論曰胸痺之病令人心胸中堅滿痞急痛肌中苦痺絞
急如刺不得俛仰其胸前皮皆痛手不得犯胸中幅
幅而滿短氣咳唾引痛咽塞不利習習如癢喉中乾
燥時欲嘔吐煩悶自汗出或徹引背痛不治之數日
殺人

衍義胸痺一證古所未詳世亦罕究金匱始發其端千
金繼續其緒首言心中堅滿痞急痛形容病根盤
結之狀最切肌中苦痺絞急如刺不得俛仰胸前
皮皆痛手不可犯有諸內必形諸外也胸中幅幅
而滿短氣咳唾引痛咽塞不利氣道阻逆也習習

如癢喉中乾燥氣有餘便是火也時欲嘔吐自汗
出火從內外尋出路也徹引背痛背者胸之府也
不治之數日殺人極言其證之劇然病有淺深不
可槩以爲限也

論曰夫脈當取太過與不及陽微陰弦卽胸痺而痛
所以然者責其極虛故也今陽虛知在上焦所以胸
痺心痛者以其人脈陰弦故也

衍義趙以德云陽微在胸中氣分上着故曰陽微知在
上焦陰弦在陰脈上看如陰寒之脈上干胸中氣
分則爲胸痺如陰氣上乘於心則爲心痛也

平人無寒熱短氣不足以息者實也

衍義

上條是言不及此則言太過也平人蓋言無內傷外感而患短氣不足以息者當是胸中邪氣窒塞腎中陽氣不得上通於胸中故為實也

栝蒌湯 治胸痺病喘息咳唾胸背痛短氣寸脈

沉而遲關上小緊數方

栝蒌實 一枚

半夏 半升

薤白 半斤

枳實 二兩

生薑 四兩

右五味咬咀以白酒漿一斗煮取四升服一升日

三仲景肘後不用生薑枳實半夏

衍義

金匱首列栝蒌薤白白酒湯方用栝蒌實一枚薤

白半斤白酒七升藥止三味治與此例相同趙以

德云寸口脈沉遲者陽氣微也關上小緊者胃以

上有陰寒結聚所以胸中喘息咳唾胸背痛而短

氣栝蒌性潤專以滌垢膩之痰薤白臭穢用以通

穢濁之氣同氣相求也白酒熟穀之液色白上通

於胸中使佐藥力上行極而下耳其次方減薤白

五兩加半夏半升名栝蒌薤白半夏湯治胸痺不

得臥心痛徹背以胸中痰垢積滿循脈而溢於背

背者胸之腑故於前藥量減薤白之穢濁加半夏

以祛痰積之痺逆千金參入枳實生薑以滌痰之藥最勝故薤白仍照本方不須裁減

枳實薤白桂枝湯 治胸痺心中痞氣氣結在胸

胸滿脇下逆搶上方

枳實 四枚

薤白 一斤

桂枝 一兩

厚朴 三兩

枳實 一枚

右五味咬咀以水七升煮取二升半分再服

仲景方用

厚朴四兩薤白半斤水五升煮取二升分三服

衍義

此條金匱主以二方枳實薤白桂枝湯治痰氣結聚於胸中胸滿溢於經脈從脇下逆上以搶於心

故用枳實薤白桂枝以分解之若其人素稟之虛即用人參理中以溫散之以此證屬實者多所以千金取前一為例不錄後方也

茯苓湯 治胸中氣塞短氣方

茯苓 三兩

甘艸 一兩

杏仁 五十枚

右三味咬咀以水一斗三升煮取六升去滓為六服日三未瘥更合服

治胸痺候胸中幅幅如滿噎塞習習如癢喉中澀燥唾沫宜此方

橘皮 一斤

枳實 五枚

生薑 半斤

右三味咬咀以水五升煮取二升去滓分再服

名橘皮枳實生薑湯

衍義

金匱名茯苓杏仁甘草湯夫短氣不足以息者實也即上條平人無寒熱之例治也橘皮枳實生薑湯即前參入栝蒌湯中二味皆利氣之劑一疏肺氣於上一疏胃氣於中也

治中湯

治胸痺方

方見二十卷勝脫胸霍亂門

通氣湯

治胸滿短氣噎塞方

半夏

八兩

生薑

六兩

橘皮

三兩

吳茱萸

四十枚

右四味咬咀以水八升煮取三升分三服 一方

無橘皮用桂心二兩

衍義

胸痺滿痛短氣皆由痰濕痺著加以噎塞則又木邪乘土胃中陽氣不得宣通之故故取金匱生薑半夏湯合橘皮湯二方并採吳茱萸湯之半以散胃中濁垢兼疏肝氣之逆也

細辛散 治胸痺達背短氣方

細辛

甘草

各二兩

枳實

生薑

栝蒌實

乾地黄

白朮

各三兩

桂心

茯苓

各五兩

右九味治下篩酒服方寸七日三

衍義

胸痺達背隱痛胸中大氣不布致濁痰瘀垢攻衝背膂故用薑桂細辛辛溫利竅枳朮苓甘甘溫健脾枯薑滌痰地黃滋血乃橘皮枳實生薑湯之變法也

蜀椒散 治胸痺達背方

蜀椒

食茱萸

各一兩

桂心

桔梗

各三兩

烏頭

半兩

豉

六兩

右六味治下篩食後酒服方寸七日三

衍義

胸痺達背隱痛而無噎塞短氣胃雖阻逆當非實滿可知故但須椒黃薑桂以散寒結桔梗香豉以導虛逆崔氏烏頭丸之變方也

前胡湯 治胸中逆氣心痛徹背少氣不食方

前胡

甘艸

半夏

芍藥

各二兩

黃芩

當歸

人參

桂心

各一兩

生薑

三兩

大棗

三十

竹葉

一升

右十一味咬咀以水九升煮取三升分四服又方

前胡

甘艸

半夏

芍藥

人參

茯苓

生薑

麥門冬

飭各三兩

黃芩

當歸

桂心各一兩

大棗三十枚

右十三味咬咀以水一斗四升煮取三升去滓分

二服

衍義

胸痺多由寒熱之邪痺著心下故金匱咸以辛溫散結滌除痰垢為務千金補所未逮復立前胡湯二方以治風熱內蘊逆氣上攻之證專取前胡之祛風下氣參入桂枝湯中更加半夏以滌痰垢參

歸以助氣血竹葉以泄風熱旺氣也 又方即於

前湯中加麥門冬茯苓清心利水功勝竹葉并入

膠飴以緩急痛內補建中湯成法也

熨背散 治胸背疼痛而悶方

烏頭

細辛

附子

羌活

蜀椒

桂心各五兩

芎藭一兩六銖

右七味治下篩帛裏微火炙令煖熨背上取瘥乃

止慎生冷如常法

衍義

背者胸之腑烏附蜀椒內服則溫經絡外熨則通

膝理佐以辛桂芎藭開導血氣羌活專行脊脈以
子邪之出路變烏頭丸爲熨法也

下氣湯 治胸腹背閉滿上氣喘息方

杏仁四七枚 大腹楨榔二七枚

右二味咬咀以童子小便三升煎取一升半分再
服曾患氣發輒合服之

衍義借茯苓湯中杏仁以下氣配大腹楨榔以泄滿更
需童子小便導之下行然惟初病氣實者爲宜

檳榔湯 主破胸背惡氣聲音塞閉方

檳榔極大者四枚
小者八枚

右一味二品咬咀以小兒尿二升半煮減一升去
滓分三服頻與五劑永定

衍義氣病聲音塞閉故專取大腹檳榔以破惡氣兼小
者以散滯血而聲自通矣

灸法

胸痺引背時寒間使主之

胸痺心痛天井主之

胸痺心痛不得息痛無常處臨泣主之

胸痺心痛灸臆中百壯穴在鳩尾上一寸忌鍼

胸痺滿心痛灸期門隨年壯穴在第二肋端乳直下

一寸半

頭面風第八

方九十二首

芎藭酒 治腦風頭重頸項強眩淚出善欠目
欲眠睡憎風劇者耳鳴滿眉眼疼悶吐逆眩倒
不自禁諸風乘虛經五臟六腑皆為癩狂諸邪
病悉主之方

芎藭

辛夷

天雄

人參

天門冬

柏子仁

磁石

石膏

茵芋

山茱萸

白頭翁

桂心

秦艽

各三兩

松蘿

羚羊角

細辛

薯蕷

菖蒲

甘艸

各二兩

雲母

一兩燒令赤末為粉

防風

四兩

右二十一味呖咀以酒二斗漬七日初服二合漸
加至五合日三有女人少時患風眩發則倒地為
婦積年無兒服此酒并將紫石英門冬丸服之眩
瘥生兒平復紫石英門冬丸見前婦人門中
衍義諸風之患良由心包之火擾動於外故見證種種
究其所由不離內火招風是以頭風眩暈牽引遊
風等證諸治悉歸附此如芎藭酒治腦風吐逆癩

千金之術卷三
狂諸邪專以祛風散結清心安神鎮攝虛火為主
方中芎藭辛夷天雄石膏茵芋羚羊白頭翁秦艽
松蘿細辛防風一派皆祛風散結之藥兼人參柏
仁天冬薯蕷菖蒲甘艸清心安神之劑以滋風藥
之性磁石山黃桂心雲母鎮攝虛火使不上乘心
包漬之以酒行其藥力也

人參湯 治頭眩屋轉眼不得開方

人參

當歸

防風

黃芪

芍藥

麥門冬 各一兩

獨活

白朮

桂心 各三兩

右九味咬咀以水一斗煮取三升分三服

衍義

方合保元生脈四君四物建中等方各二平調精

津血氣兼取獨活防風透入參芪歸芍劑中并賴
桂心以行其勢允為虛風眩暈之神丹也

防風湯 治風眩嘔逆水漿不下食輒嘔起即眩

倒發有時手足厥冷方

防風

防已

附子

乾薑

甘艸 各一兩

蜀椒

桂心 各二兩

右七味咬咀以水四升煮取二升分三服日三今古

錄驗有白
木一兩

又方 治頭風眩欲倒眼旋屋轉腦痛方

防風 枳實 杏仁

芎藭各三兩 茯神 麻黃

前胡 半夏 生薑各四兩

細辛二兩 竹瀝三升

右十一味咬咀以水六升合竹瀝煎取二升七合

分三服頻服三兩劑佳

衍義前方主風眩嘔逆手足厥冷不但中焦式微抑且

邪乘虛陷非椒薑桂附無以搜坎陷之邪 又方

治風痰上盛故用防杏麻前芎辛以散表苓半枳

薑竹瀝以滌痰一主本虛一治邪實兩不移易之

定法

茵芋湯 治風虛眩眼暗方

茵芋一分 人參 甘艸

菴蓉 黃芪 茯苓

秦艽 厚朴 烏喙各二兩

防風六兩 山茱萸 松實各三兩

右十二味咬咀以水一斗煮取二升半分五服強

者一日夜盡羸劣者二日盡

義衍茵芋烏喙風毒方中瞑眩之藥佐以防風黃芪助以參苓甘艸更須菴蓉山萸以實下元厚朴秦艸推陳致新松實清潤疏風深得補瀉兼濟之妙但烏喙太毒宜以烏頭代之

鴟頭酒 治頭風眩轉面上遊風方

飛鴟頭 五枚

茯神 一方無

防風

芎藭

薯蕷 各四兩

葛根

桂心

細辛

人參

天雄

乾薑

枳實

貫衆

蜀椒 各三兩

獨活 二兩

山茱萸

麥門冬 一作天門冬

石南 一作石膏

右十八味咬咀絹囊盛清酒四斗漬六宿初服二

合日再稍加以知為度

義衍

鴟性稟陰毒而能旋風健搏故千金聖惠用其頭以治頭風眩轉及面上遊風總取以毒攻毒而已

然須以溫補煖腎藥及風藥佐之方克有濟

大三五七散 治頭風眩口喎目斜耳聾方

天雄 局方用附子

細辛 各三兩

山茱萸

乾薑 各五兩

薯蕷

防風 各七兩

右六味治下篩以清酒服五分七日再不知稍加

千金翼云亦
治面骨疼痛

小三五七散

治頭風目眩耳聾方

天雄三兩

山茱萸五兩

薯蕷七兩

右三味治下篩以清酒服五分七日再不知稍增以知為度

衍義

頭風多緣腎水不充痰濕上盛故大三五七散以

天雄之純陽峻補三焦壯火祛邪本經治大風寒濕痺歷節痛拘急破積聚邪氣佐以山茱萸逐寒濕痺薯蕷治傷中補虛羸細辛主頭痛腦痛防風治大風頭眩痛乾薑逐風寒濕痺皆頭風門中頂

門之鉀 小三五七散專主腎肝虛風原無客邪

侵擾故去細辛乾薑防風但取薯蕷山萸以緩天

雄之性虛風得以自除矣

茯神湯 治風眩倒屋轉吐逆惡聞人聲方

茯神

獨活各四兩

黃芪

遠志

防風各五兩

生薑三兩

人參

白朮

甘艸

附子

茯苓

當歸

牡蠣各二兩

右十三味咬咀以勞水一斗二升煮取三升服五

合一日夜盡

防風散 治頭面風在眉間得熱如蟲行或頭眩

目中淚出方

防風 五兩

桂心

天雄

細辛

人參

附子

烏頭

乾薑

硃砂

各二兩

莽艸

茯苓

當歸

各一兩

右十二味治下篩酒服方寸七日三

又方 治風頭眩惡風吐冷水心悶方

防風 二兩

桂心 一兩

天雄

翼方作人參

細辛

附子

薯蕷

澤瀉

一作澤蘭

茯苓

各一兩

乾薑

半兩

白朮

二兩半

右十味治下篩酒服方寸七常令酒氣相接則脫

巾帽解髮梳頭百過復投一升酒便洗手足須與

自熱解髮以粉粉之快然便熟眠愈亦可洗頭面

汗出

翼云如服寒食散法

衍義

茯神湯治風眩吐逆惡聞人聲脾腎虛風挾陰火

而上逆故用朮附統攝虛風保元固護衛氣歸芪

溫補營血茯神遠志交通心腎菴蓉牡蠣益精收

澀獨活防風搜風逐邪生薑辛散發越諸藥性味也 防風散治風眩淚出乃風毒外擾所以眉間如蟲行狀故用三建湯之天雄烏附佐莽艸辛防以搜風毒參苓乾薑兼當歸桂心以溫血氣丹砂一味安鎮心神不使毒邪干犯君主也 又方治風眩惡風吐水心悶此陽虛水停心下故用五苓散中之四并雄附薑辛以散水逆薯蕷以療虛風防風以祛風濕也至於方後服法豈非宿有成驗而爲詳述如此

治風眩翻倒無定方

獨活 六兩

石膏

蒟藿 各四兩

枳實

三兩一方用枳實

右四味咬咀以清酒八升煮取四升頓服之以藥滓熨頭覆眠取汗覺冷又內鑊中炒令熱熨之

衍義

翻倒無定乃風火相煽之象方用獨活祛風石膏清火蒟藿通痺枳實開結服湯熨滓深得內外夾攻之妙其妙全在蒟藿一味本經治骨間諸痺四肢拘攣疼痠膝寒陰痿短氣不足脚腫金匱治金瘡王不留行散及外臺方多用之此卽陸英之野生者世以其賤而棄之

治患頭眩經久得瘥後四體漸羸食無味好食黃

土方

麩二斤

白朮三斤

右二味為末酒和併手丸如梧子曝乾飲服三十
九日三斷食土為效

衍義

患後體羸好食黃土乃脾傷蟲積之候故以麩朮
理脾運積作丸緩攻漸圖平復誠非湯藥可期應
效也

治頭中五十種病方

巴戟

菊花

芎藭

乾薑

栝蒌根

防風

石南

白朮

烏頭

山茱萸

附子

細辛

薯蕷

蜀椒

乾地黃

人參

桔梗

秦艽

澤瀉

甘艸

天雄

羌活

等分

右二十二味治下篩以酒服方寸匕三

衍義

證患龐雜何能逐一主治提綱挈領惟辛涼祛風
辛溫散結兼調先後天血氣所謂血行風自滅也

摩頭散 治同前

藺茹 半夏 蜀椒各六分

烏頭八分 桂心七分 莽艸

附子 細辛各四分

右八味治下篩以大酢和摩頭記日數三日頭膚痛四五日後一著藥如前十日以酢漿洗頭復摩藥即愈若生息肉并咽喉中息肉大如棗欲塞以藥摩之即愈耳鼻齒有疾並用之良

衍義

藺茹治大風惡毒半夏逐濕開痰蜀椒治寒熱痺痛烏頭治寒濕痺桂心利關節結氣莽艸治頭風

癰腫附子治寒濕拘攣細辛治頭痛腦痛百節拘入味辛散藥中得苦酒之酸收使藥內達以搜逐病根何憚風毒不除息肉不化耶
入頂散 治頭面脹滿腦頰偏枯發作有時狀如刀刺失聲陰陰然疼面目變青方

山茱萸 芎藭 防風

獨活各一兩半 細辛 莽艸

白朮 薯蕷 牛膝

石南 甘艸各一兩 烏頭

通艸 菖蒲 附子

麻黃

天雄

蜀椒

桔梗

各一兩
六銖

右十九味治下篩酒服方寸七日三

衍義

面目變青陰毒上侮陽位也方用小三五七散兼麻附朮附三建之製加入莽艸椒辛佐雄附烏麻以追毒風牛膝石南佐茱萸以逐寒痺甘桔芎藭佐薯蕷以補虛羸其餘獨活防風菖蒲通艸祛風利竅又為莽艸之佐使耳

杏仁膏 治上氣頭面風頭痛胸中氣滿奔豚氣

上下往來心下煩熱產婦金瘡諸病方

杏仁

二升去皮尖雙
仁者不可用

右一味搗研以水一斗濾取汁令盡以銅器燂火上從旦煮至日入當熟如脂膏下之空腹酒服一方寸七日三不飲酒者以飲服之慎猪魚蒜酢

衍義

杏仁治方下等證大都取其下氣氣下則熱自解

風自散
大豆酒 治頭風方

大豆

三升炒
令無聲

右一味以一斗二升瓶盛清酒九升乘豆熟即傾著酒中密泥頭七日溫服之

衍義 黑大豆入腎按風淋酒治風毒拘攣與大豆紫湯
無異病在氣分宜用杏仁在血分合用大豆涇渭
攸分臨證毋忽

治中風頭痛發熱耳頰急方

麻黃

葛根

石膏

桂心

各三兩

附子

芍藥

甘艸

秦艸

防風

各二兩

生薑

五兩

右十味咬咀以水一斗煮取三升分三服覆取汗

衍義

頭痛發熱頰急陰邪流入陰位雖在少陽陽明之

界端非柴胡可擬非麻葛不解風毒非桂附不散
陰邪秦艸防風生薑為麻葛之匡佐石膏芍藥甘
艸為桂附之反謀耳

薯蕷散 治頭目有風牽引目睛疼痛偏視不明

方

薯蕷

三兩

細辛

半兩

秦艸

天雄

各二兩

獨活

桂心

吳茱萸

各二兩半

右七味治下篩酒服方寸七日三

衍義

頭風牽引目睛偏視陰邪掩奪陽光故借三五七

散之天雄以破陰邪山茱萸以收精氣薯蕷以除
虛風細辛以搜風毒桂心入肝散血通精功勝乾
薑秦艽獨活逐濕祛風與防風不殊也

治頭中痛身熱風熱方

竹瀝 三升

升麻

生薑

杏仁 各三兩

柴胡

芍藥 各四兩

石膏

生葛根 各八兩

右八味咬咀以水六升合竹瀝煮取二升七分

三服

衍義頭風屬寒者多屬熱者少此但身熱風熱無引

急吐逆等患洵為風熱無疑故以升柴葛杏生薑
升散客邪竹瀝石南芍藥滋化風濕另闢一番境
界具法眼者辨之

菊花散 治頭面遊風方

菊花 一兩

細辛

附子

桂心

乾薑

巴戟

人參

石南

天雄

茯苓

秦艽

防己 各二兩

防風

白朮

山茱萸

薯蕷 各三兩

蜀椒 五合

右十七味治下篩酒服方寸七日三

衍義

遊風而用三五七散更加參朮椒附復參桂苓巴

戟石南純是溫補下元之品略兼秦艽防已滲濕

開痺惟菊花一味專清面上遊風苟非素稟虛羸

無藉小題大做

治頭面上風方

松脂

石鹽

杏仁

蜜蠟

各一兩

薰陸香

二兩

草麻仁

三兩

右六味熟搗作餅淨剝百會上髮貼膏膏上安紙
三日一易若癢刺藥上不久風定

衍義

前方主虛羸人面上遊風此專治頭面風熱黃水

瘡故用松脂收濕杏仁潤燥薰陸止痛草麻拔毒

戎鹽與堅蜂蠟解毒作膏貼頂上百會穴乃外治

之良法

頭風摩散方

附子

一枚中形者

鹽

如附子大

右二味治下篩沐頭竟以方寸七摩頂上日三

衍義

頭風摩散金匱本治中風喎僻不遂專取附子以

散經絡之引急食鹽以治上盛之浮熱千金借此

以治頭面一切久伏之毒風也

治頭風方

服荆瀝不限多少取瘥止

又方

蔓荆子一升為末絹袋盛以酒一斗浸七宿温服三合日三

又方

搗蒟藿根一升酒二升漬服汗出止

又方

臘月烏雞屎一升炒令黃為末絹袋盛以酒三升浸温服任性常令醺酣

又方

七月七日以麻勃三斗麻子一石末相和蒸之沸湯一石五斗三遍淋之煮取一石漬神麩二十斤令發釀黍米二石五斗熟封三七日服清一升百日身中滯皮八風胸膈五臟骨髓伏風百病悉去

衍義

荆瀝治風逐濕解熱祛痰 蔓荆子治骨間寒熱

濕痺拘急 蒟藿治骨間諸痺四肢拘急疼瘦

烏雞矢浸酒下氣除風 麻勃治惡風黑色遍身

苦癢麻子潤燥祛風釀酒治十種大風殊效

治卒中惡風頭痛方

搗生烏頭以大酢和塗故布上薄痛處須臾痛止日夜五六薄逐痛處薄之搗烏頭須去皮

又方

鹽一升為末以麻油二升煎一宿令消盡塗頭

石鹽九良

又方

芥子為末酢和敷頭一周時

衍義

烏頭治惡風濕痺酢專收斂藥力以盡攻毒之功鹽能更堅麻油潤燥其襄解毒之力 芥子散

痛消毒豁痰利氣同一頭風取治各別所謂醫不執方合宜而用可也

衍義

此後沐頭痛等方所主頭生白屑雖緣肺病究其源多由勞心動氣胞絡火炎上燬肺金所致是以千金悉附卷末至於髮落不生鬚白禿鬢總因衝脈不充無非精血衰耗心勞則火動於中熱發則風擾於外為患種種未遑逐一衍說姑存以備採用可也

沐頭湯

治肺勞熱不問冬夏老少頭生白屑搔癢不堪然肺為五臟之蓋其勞損傷肺氣衝頭

頂致使頭癢多生白屑搔之隨手起人多患此
皆從肺來方

大麻子

秦椒各三升

皂莢屑半升肘後無

右三味熟研內泔中一宿漬去滓木篦攪百遍乃
用沐頭髮際更別作皂莢湯濯之然後傳膏

又方

菊花

獨活

茵芋

防風

細辛

蜀椒

皂莢

杜蘅

莽艸

桂心等分

右十味作湯沐及熨之

又方

猪椒根三兩

麻黃根

防風各二兩

細辛

茵芋各一兩

右五味以水三斗煮取一斗去滓温沐頭

又方

蜀椒二升水煮沐髮良

又方

葶藶子煮湯沐不過三四度愈

又方

以桑灰汁沐頭去白屑神良

治頭項強不得顧視方

蒸好大豆一斗令變色內囊中枕之

又方

常以九月九日取菊花作枕臥良

又方

八月後取荆芥鋪牀及作枕枕頭立春日去之

又方

穿地作小坑燒令赤以水沃之令小冷內生桃葉滿布席就臥令項當藥上以衣著項兩邊令

氣蒸病上汗出良久愈若病大者作地坑亦大

犀角湯 治風毒熱頭面腫方

犀角

生薑 各二兩

苦參

栝蘂根

防風 各一兩

石膏 六兩

青木香

黃芩

升麻 各三兩

防已 一兩半

竹葉 二握

右十一味咬咀以水七升煮取二升分三服相去十里久內消不利

防風散 治頭面遍身風腫方

防風 二兩

白芷 一兩

白朮 三兩

右三味治下篩酒服方寸七日三
治卒中風頭面腫方

搗杏仁如膏以雞子黃合搗令相得傅帛上厚
裏之自乾不過八九傳瘥

令白髮還黑方

烏麻九蒸九曝為末棗膏為丸久服之

又方

旋覆花

一升

桂心

一尺

秦椒

一升

隴西白芷

一升

右四味治下篩井花水服方寸七日三服三十日

白髮還黑禁房室

沐頭湯

治脈極虛寒鬚髮落墮令髮潤澤方

桑根白皮切三升以水五升淹漬煮五六沸去
滓洗沐髮數數為之自不復落

又方

麻子

三升

白桐葉

切一

右二味以米泔二斗煮五六沸去滓洗沐則髮長
甚有驗

治髮鬢墮落令生長方

生柏葉

一升

附子

四枚

猪膏

三升

右三味爲末膏和作三十九丸用布裹一丸內泔中煎沐髮長不落其藥密貯勿令洩氣

又方

柏子仁

附子

蔓荊子

各半兩

右三味以烏雞膏和搗三千杵貯新磁器中封百日出以馬鬃膏和傅頭訖巾裹之勿令見風日三傅卽生肘後不用柏子仁以酒漬澤沐

又方

桑葉

麻葉

等分

右二味泔煮去滓沐髮七遍長六尺

又方

羊糞灰淋湯三日一洗不過十洗大生

摩膏 治頭中二十種病頭眩髮禿落面中風者

方

蜀椒

莽艸

各二兩

桂心

藺茹

附子

細辛

各一兩半

半夏

乾薑

各一兩

右八味咬咀以生豬肪二十兩合搗令肪消盡藥成先沐頭令淨後以藥摩顙上日一如非十二月合則用生烏麻油和塗頭皮沐頭令淨乃用之一

千金方不詳卷三
次生髮如昔必效方無蜀椒莽艸乾薑半夏本門
生髮膏 治頭中風癢白屑方

蔓荊子

附子

細辛

續斷

零陵香

皂莢

澤蘭

防風

杏仁

藿香

白芷

松葉

石南

各三兩

莽艸

一兩

熊脂

三升

松膏

猪脂

馬鬃膏

各二升

右十八味咬咀以清酒醋各三升漬藥一宿明日以馬鬃膏等微火煎三上三下以白芷色黃膏成

用以澤髮

又方

烏喙

三兩

莽艸

石南

細辛

續斷

皂莢

澤蘭

白朮

辛夷

防風

白芷

竹葉

柏葉

松葉

猪脂

各半升

四升

右十五味咬咀以清酢三升漬一宿明日微火以脂煎三上三下白芷色黃膏成去滓濾淨於沐髮後塗之 一方用生油三大升

翼方無石南白芷用杏仁去白屑良

又方

甘松香

丁香

白芷

澤蘭

桑白皮

桑寄生

大麻子

苜蓿

杏仁

辛夷仁

牡荊子

芎藭

防風

莽艸各一兩

零陵香

吳藿香

細辛

蜀椒各二兩

竹葉

松葉

柏葉

胡麻油

臘猪膏各一升

烏雞肪

雁肪各一合

右二十五味咬咀以酢漬一宿內油膏中微火煎三上三下白芷色黃膏成去滓塗頭日二夜一髮生

又方 治髮鬢禿落方

莽艸一兩

防風

升麻

白芷

薺苳各二兩

蜣螂四枚

豹膏

一作狗膏

熊膏

一作雄雞膏

猪脂

馬鬣膏

驢鬣膏

各半升

右十一味其六味咬咀與諸膏合煎諸藥沸則下停冷復上火三五沸止絞去滓傅頭當澤用之

又方 治眉落髮落復生方

白芷 附子 防風

芎藭 莽艸 辛夷

細辛 黃芩 當歸

蜀椒 各一兩 大黃 一兩 蔓荊子 一升

猪膏 三升 馬鬃膏 五合

右十四味熬膏去滓取除日日之正午拔白塗之
當日勿飲酒食肉五辛經一拔黑者更不變也

治染鬚髮方

大胡粉 三兩 白灰 六兩 絹篩

右二味如粉以榆皮作湯和之先以皂莢湯洗髮
令極淨不得令有膩氣如曝乾夜臥以藥塗髮上
令勻訖取桑葉相綴著頭巾上遍以裹髮一夜至
旦取酢漿煖洗髮又以醋泔熱煖洗髮又取生胡
麻苗搗取汁三升和水煮一二沸淨濾濯髮訖又
用油湯濯之百日黑如漆

又方

黑樾水漬之塗髮令黑

又方

鹽湯洗沐後以生麻油和蒲葦灰傅之

一作治白禿
掃葉山房

又方

生麻油漬烏梅常用傅頭

治髮黃方

臘月猪脂和羊屎灰蒲灰等分傅封頭三日

度

又方

大豆五升酢漿水二斗煮取五升沐之

治鬢髮黃赤方

燒梧桐灰用乳汁和塗傅鬢髮并肉皮鬢髮即

黑

治風頭毛髮落不生方

鐵上生衣研以臘月猪脂和塗之日三亦治眉

落

生眉毛方

鐵上生衣

墻上青衣

右二味等分為末水和塗之即生

又方

七月烏麻花陰乾為末以生烏麻油漬之二日

一塗

治眉毛鬢髮為火燒瘡痕毛不生方

蒲灰以正月狗腦和傅即生

治髮落不生令長方

麻子一升熬黑壓取油傅頭長髮妙

又方

多取烏麻花磁器盛密蓋深埋土中百日出用

塗髮令髮易長而黑

又方

用雁肪傅之

治鬢黃方

新剪爪甲搔令毛孔少血出以蜜塗之即生黑

毛

治髮禿者方

黑熟桑椹子二升內罌中日中曝三七日化為

水洗瘡上三七日即生髮神效

松瀝煎 治頭瘡及白禿方

松瀝

七合

丹砂

雄黃

水銀

研各二兩

黃連

三兩

礬石

一兩

右六味治下篩內瀝中攪研令調以塗之先以泔清洗髮及瘡令無痂然後傅藥一日一傅三傅後當更作膿膿訖更洗凡經三度膿出訖以甘艸湯

洗去藥毒前後洗十數度即瘥

治白禿髮落生白癬終年不瘥方

雌黃

雄黃各一分

雞屎白半

松脂

菴蓉各二分

蛇牀子

遠志

五味子各三分

兔絲子五分

白蜜一分

右十味治下篩以猪脂一升二合先內雌黃次內雌黃次內雞屎白次內松脂及蜜又次內諸藥煎之膏成先以桑灰汁洗頭燥傅之
王不留行湯 治白禿及頭面久瘡去蟲止痛方

王不留行

東南桃枝

東引茱萸根皮

各五兩

蛇牀子

牡荊子

蒺藜子

苦竹葉各三升

大麻仁一升

右八味咬咀以水二斗半煮取一斗洗瘡日再并療癰疽如乳月蝕瘡爛

松脂膏 治白禿及癰疽百瘡方

松脂六兩

礬石

杜蘅一作牡荊

雄黃

眞珠

水銀

苦參

大黃

木蘭

石南

秦艽

附子各三兩

右十二味咬咀以醋漬一宿猪膏一斤半煎之以
附子色黄去滓内礬石雄黄水银更著火三沸安
濕地待凝傅上日三

治白秃方

羊肉濕脯炙令香及熱速搭上不過三四度癢
勿搔之牛肉亦得

又方

新破猪肛去糞及熱速搭上癢慎勿搔當縛定
手日中臥午後去之

又方

以皂莢湯淨洗乾拭後以陳久油滓塗之日三

又方

煮桃皮汁飲之并洗

又方

麩豉二種治下篩酢和傅上

又方

大黑豆炒令焦爲末和臘猪脂熱煖以匙抄封
上遍卽裹著勿見風

治赤秃方

桑灰汁洗頭令淨桑椹搗傅之日中曝頭睡

又方

馬蹄灰為末以臘月猪脂傅之

又方

燒牛角灰和猪脂傅之

令髮不生方

蜂灰驚脂相和新拔去毛即塗孔上永不生

治鬼舐頭方

燒猫兒屎以臘月猪脂和傅上

又方

猫兒毛燒灰以膏和傅之

又方

塼末和蒜搗傅日一度

孫真人千金方衍義卷十三

終

紙真入千金衣 治難卷十三 林

治難為不... 治難傷之

又上

治難傷之

治難不生方

治難不生方 治難不生方 治難不生方

治難不生方

治難不生方

蘇末味蒜餅餅日一更

灰衣

